

Poesia in dialetto "SGUNDEN"

La Primavera ad 'na volta

Ien racont a caval a i'ani trenta,
adès é cambià tött, parfén la genta;

a gh'era un dir: aspèta e spéra
ca sta par rivar la Primavera.

Però va pian a cambiar la maia,
a pöl gnir ancora 'na qualca brinada.

Con la bèla stagiòn sa sveglia la natüra,
tött al pianti i cumincen la fiuridüra,

la föia dal mur l'era 'na risorsa,
i la magnaven i cavalér in d'la so cursa.

In campagna al prémi semnadi,
sperand in dal beli giurnadi,

al ven bianch e ross l'é pront par la türada
in butigli da bevar long a l'anada.

Al risduri i rinuvaven i pulèr
cm'i növ pulzén e i vèc' da magnar.

Al nòni i preparaven la préma bügada
con aqua, savón, sendra e alsia culurada,

i pagn ia stindeven longh a la carèra,
al giuren dop ieren pront par la stiräda,

in paés ieren stés in circunvalasiòn,
in piasa d'la Roca, in di viai d'la stasiòn.

Al mes ad Mag' al pö laburius,
in campagna, in paés, in di fiur;

al risaröli is preparaven par partir
pr'al trapiant e la monda dal ris.

I prudott i carseven, l'era un piasér,
i paisan ieren cuntent dal so mestér.

Adèsa ca fnésa la Primavera,
a cumincia la stagiòn estiva vera.



Remo Allegri